

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Promptvarii exequialis pars ...

Continens centurias II. dispositionum, quibus themata funebria sive
scripturae dicta varia ...

Bidembach, Felix

Francofurti, 1625

Thema XXXVIII.

[urn:nbn:de:bsz:31-130978](https://nbn-resolving.org/urn:nbn:de:bsz:31-130978)

2. Sacramentis, quæ sunt sustentacula & fulcimenta fidei.
3. Interna consolatione & corroboratione Spiritus sancti, Rom. 8. v. 16. unde is dicitur *ἐν ἡμῖν*. Ioan. 14. & 15.
4. Oratione nostra & aliorum pro nobis, &c.

F I N I S.

THEMA XXXVIII.

Psalm. 4. v. 9.

In pace dormiam & requiescam. Quoniam tu Domine singulariter in spe constituisti me.

DISPOSITIO.

In hoc Psalmo reprehendit David impios, quod diligant vanitatem & querant mendacium, vers. 3. Et cum vers. 8. proxime præcedenti dixisset, quod illi tantum lætentur propter bona temporalia, quia scilicet vino & frumento abundant: iam hoc versu ultimo, quo Psalmum claudit, è contrario ostendit, in quo ipse lætetur, videlicet in protectione diuina, quæ ipsi faciat lætitiã in corde maiorem, quam si haberet copiam & affluentiam bonorum temporalium.

Quia vero ad exemplum Davidis omnes boni in hoc ipso lætari debent, quod Deum habeant protectorem, cernunt hæc verba Davidis nobis diligentius consideranda: & videndum 1. Quomodo David securus cubet & dormiat, & 2. Quæ huius securitatis causa. 3. Tandem subiiciendi loci.

I. Pars.

In pace cubo & dormio. Magnum Dei beneficium, si quis possit cubare & dormire: at maius est, si in pace illud possit homo.

Nam tempore belli, qui cubat, nescit an audeat dormire, an non hostes sint superuenturi, & excitaturi ipsum ante tempus. *Da gibst es einen bösen leisen Schlaf.* Sed

H 2

extra

extra belli periculum, interdum non datur cubare & dormire in pace.

Si enim mala conscientia hominem exagitet propter sua scelera, non potest dormire.

Curæ & sollicitudines nimis propter opes, etiam impediunt somnum Eccl. 5. v. 11. Syr. 31. v. 1. Inopia & paupertas, & tristis egestas interdum facit nobis noctes insomnes, dum nescitur de mane, unde viuendum.

Morbi grauiores (Syr. 31. v. 1.) *deppumian* solent causari Maxime vero insidia aduersariorum, & alia anxietates animi faciunt, ut noctes ducamus insomnes: dum semper timeamus vel vitæ, vel famæ, &c. Iob. 7. v. 14. Syr. 40. v. 5. Et sane impii sic puniuntur, ut timeant ubi non est timor, Psalm. 53. v. 6. Et terrentur à facie folii volantis, Leuit. 26. v. 16. & 36.

Sic enim habent cor pauidum, ut vita ipsorum semper sit pendens ante ipsos, Deuteronom. 28. vers. 65. & 66. & 67.

Quamuis autem Dauidi non defuerint aduersarii, subinde vellicantes, & interdum etiam ipsum afflixerit inopia & cætera mala, tamen hic ait, se semper cubare & dormire in pace. Hoc non proprie de somno corporis intelligit, cum de vigiliis etiam conqueratur Psalm. 77. v. 5. Sed de animi tranquillitate. Et hoc vult, se in maximis etiam calamitatibus semper tranquillo esse animo: & hoc est in pace cubare atque dormire. *Es laß sich nichts aufsehen/ daß ihn solt vngeschlafen lassen. All sein Sorg zie her mit dem Hemdt auß/ &c.*

II. Pars.

Sed quæ causa huius securitatis? *Es solts ihus doch freuetlich der Schlaf offt vertriben seyn worden.* Cum non esset tutus vsquam à Saule. Et cum filium suum fugeret, cum à vicinis vndique laceraretur, &c.

At in Domino illi spes & fiducia: Is fecit, ut in pace dormiret etiam inter medios hostes. Sic enim ille: *Quo-*

niam tu Domine solus me tuto facis habitare. Si oculi vigilarent, cor quieuit spe.

Si autem maxime voluisssem mihi ipsi securitatem præstare, vel recipiendo me in loca munita, vel milites colligendo, quibus stipatus possim esse securus: Certe illud omne præsidium humanum mihi potius auxisset curas meas, & insomnes noctes duxissem plures.

Quia ab hominibus nullum est firmum præsidium. Cato enim sunt.

At in potentij dextera Dei tuto potui sperare: quia nemo est, qui omnipotentiam tuam possit infringere. Huc pertinet illud Psal. 27. v. 3. & c. Psal. 3. v. 7.

III. Loci.

1. Qui securi & tuti esse in omnibus periculis, atque in pace cubare & quiescere volunt, hoc vnum agant, vt Deum habeant protectorem. Nam qui habitat in adiutorio altissimi, dicit: Tu præsidium, & c. Psal. 91. v. 1. & 2.

Ilque Solus (Nota, SOLVS) securitatem potest præstare. Tu arx mea & c. Psal. 18. v. 3. & 31. v. 4. & 4. 6v. 2. Hoc soletur nos in omnibus afflictionibus, vt dicamus: Si Deus pro nobis, Rom. 8. v. 31. Psal. 73. v. 25.

1. Non arx munitissima in terris securos facere potest. Quia si te flagellet conscientia, & mordeat ille vermiculus sub latere sinistro, nihil iuuabit, etiamsi nidum haberes in cælo.

2. Si Deus te affigere voluerit morbis, vel alia ratione, nullibi tutus esse poteris, Amos 9. v. 2. 3. Obad. v. 4.

3. Non amici securum tere reddent. Quia homines fallaces, Psal. 119. v. 8. Et si maxime sint aut velint esse constantissimi, tamen exhibit spiritus, Psal. 146. v. 4.

4. Non Principes. Quia & ipsi caro, & mortales. Ideoq; nec in illis confidendum, Psal. 118. v. 9. & 146. vers. 3. Et concidit in puncto gratia longa breui. At Deus solus est, qui facit habitare tuto.

Verum non omnibus securitatem præstat. Supra enim diximus de impiis, quod minetur illis cor pauidum & nunquam securum. Et de Thesaurario Regio Sebena dicitur, quod circummagitandus sit vt pila, &c. Esa. 22. vers. 18. vt ne (in eo quidem quod sibi parauit sepulchro) securus quiescere possit mortuus.

Quid igitur faciendum vt simus tuti?

1. Obediendum voci Domini, Deu. 28. v. 13. Pro. 3. v. 24.
2. Confidendum Deo. Turris. Prou. 18. vers. 10. Psal. 2. in fine.
3. Cauendum à mala conscientia. Prou. 15. vers. 15. & Syr. 14 in fine.

Sic Petrus in carcere catenis ligatus inter milites securus dormit Act. 12.

Il Cum aliquando cubandum morituris & dormiendum in puluere terræ, dabit Dominus vt possimus quiescere in pace, Psal. 29. vers. 11. Simeon in pace dimittit vult, Luc. 2. Itaq; Deus Abrahamo Gē. 15. v. 15. Ibis ad patres in pace. Idem 2. Reg. 22. v. 20. 2. Par. 34. Non ergo mors timenda.

Iustificari autem fide pacem habent cum Deo, Rom. 5. v. 1. Tales moriuntur in pace, id est, tranquillo animo, cum bona & hilari conscientia: quia sciunt suas animas in pace custodiendas, Sap. 3. vers. 3. vt non patiantur tormenta.

F I N I S.

T H E M A XXXIX.

Psal. 6. v. 5. & 6.

Reuertere Domine, eripe animam meam, serua me propter misericordiam tuam. Quoniam non est in morte memoria tua, in inferno quis confitebitur tibi?

D I S P O S I T I O.

In hoc Psalmo continetur ardentissima precatio hominis